

光緒乙未重修

虞城縣志

世德堂藏板

虞城縣志目錄

卷之一

圖考

沿革

星野

疆域

形勝

城池

卷之二

山川

村市

堤溝

古蹟

風俗

物產

地丁

驛站

橋梁

卷之三

公署

學校

廟祀

郵政

卷之四

職官

名宦

卷之五

選舉

徵辟
例監

進士
武科

舉人
武職

貢生
恩封

例貢
恩蔭

卷之六

人物

名臣
賓飲

忠烈
敬老錄

孝子

義行

流寓

卷之七

列女

節婦

烈婦

烈女

孝婦

賢母

卷之八

藝文

勅命

疏

頌

序

記

卷之九

藝文

書

說

誌銘

傳

議

攷

錄

牒

詩

卷之十

雜志

虞城縣志卷之六

人物

從來地以人重立德立功立言士有其一即可
不朽生而表式閭里歿而垂名竹帛豈猶夫碌
碌無奇與草木同盡者耶顧考行貴核其真百
世臧否事久論定非一時之好惡可爲軒輊者
也虞固名勝地其以德行文學政績節操著者
自漢以來歷歷可數先達之高軌來彥之景行
也讀是傳者能勿爲之神往與志人物

名臣

後漢

盛

允

字伯世梁國虞城人也其先奭氏至漢中葉避孝元帝諱改姓盛世濟其美以

迄於允察孝廉除郎累遷司空司徒見水經注

唐

盛彥師

宋州虞城人少任俠隋大業末爲澄城長高祖兵至汾陰彥師率賓客上謁授

行軍總管從平京師與史萬寶鎮宜陽李密叛謀出山南萬寶懼謂彥師曰密驍賊也以王伯當輔之挾恩東歸之士非計出萬全不爲也殆不可當彥師笑曰請以數千兵爲公梟其首萬寶問計谷曰兵詭道也難豫言則引衆踰洛水入熊耳山命士持滿夾道伏短

兵蹊谷間令曰賊半度乃擊所部皆笑曰賊
趨洛州何爲脩此彥師曰密聲言入洛其實
走襄城就張善相我據其要必擒之密果至
彥師橫擊首尾不相救遂斬密及伯當以功
封葛國公授武衛將軍鎮熊州討王世充也
彥師與萬寶軍伊闕絕山南路世充平爲宋
州總管始彥師入關世充以陳寶遇爲宋州
刺史待其家不以禮及是彥師因事殺之又
殺素所惡數十家州人震駭皆重足立徐圓
朗反詔爲安撫大使戰敗爲賊所執圓朗待
之厚令作書招其弟使舉虞城叛彥師爲書
曰吾奉使無狀爲賊擒誓死報國若宜善待
母勿以我爲念圓朗笑曰將軍壯士也置之
武德六年圓朗平彥師得還高祖以罪誅之
見唐書

本傳

劉師立

宋州虞城人始事王世充爲親將洛陽
平當諫秦王壯其才釋不死引爲左親

衛建成之釁師立參奉密議後與尉遲敬德
龐卿憚李孟嘗等九人錄功拜左衛率遷左
驍衛將軍襄武郡公賜絹五千匹有告師立
姓在符讖欲反者太宗謂曰人言卿將反果
乎師立對曰臣爲隋官不過六品材驚下不
敢希富貴今遭非常之會位將軍願已極矣
何敢反帝笑曰朕知妄耳賜束帛召入卧內
慰勉羅藝反京師震駭詔師立檢校右武侯
大將軍勒兵脩非常藝平有司劾黨與師立
坐與善除名尋以藩邸舊檢校岐州都督上
書請討吐谷渾未報卽遣使開諭部落多降
附者列其地爲開橋二州又黨項酋柘拔赤
辭先附吐谷渾倚險自守亦遣說下之詔赤
辭爲西戎州都督師立以母喪解岐人表留
遂不得赴哀時河西黨項破丑氏嘗苦邊又
阻新附師立討之軍未至破丑氏懼遁去師立
窮追之抵卹於真山而還又戰吐谷渾於小
莫門川破之轉始州刺史卒諡曰肅見唐書

本傳

後唐

劉延朗

原志載人物後志削去仍錄脩遺內蓋因其無甚事迹可表而又不能盡沒其

各也今查其本傳見五代史不更錄

宋

王礪

事母甚謹太平興國五年進士至屯田郎中子渙瀆淵冲泳渙子穠臣瀆子堯

臣並進士及第渙子堯臣進士出身

以上俱宋史附戚同文傳

王堯臣

字伯庸應天府虞城人舉進士第一授將作監丞通判湖州召試改秘書省著

作郎直集賢院會從父冲坐事出堯臣知光州父喪服除爲三司度支判官再遷右司諫

國皇后薨議者歸罪內侍都知閻文應堯臣
請窮治左右侍醫者不報時上元節有司張
燈堯臣俟乘輿出卽上言后已復位號今方
在殯不當遊幸帝爲罷張燈推知制誥同知
進銀臺司提舉諸司庫務知審刑院入翰林
爲學士知審官院陝西用兵爲體量安撫使
將行請曰故事使者所至稱詔存問將校而
不及於民自元昊反三年於今關中之民周
弊爲甚請以詔勞來仍諭以賊平蠲租賦二
年仁宗從之使還上言陝西兵二十萬分屯
四路然可從戰者止十萬賊衆八寇常數倍
官軍彼以十戰一我以一戰十故三至而三
勝由衆寡不侔也涇原近賊巢穴最當要害
宜先脩之今防秋甚邇請益團土兵以二萬
屯渭州爲鎮戎山外之援萬人屯渭州爲原
渭聲勢二萬屯環慶萬人屯秦州以制其衝
突且賊之犯邊不患不能入患不能出也並
塞地形雖險易不同而兵行須由大川方川

率有砦柵爲控扼賊來利在虜剝人自爲戰
故所向無前考延州之金明塞門砦鎮戎之
劉播定川堡渭州山外之羊牧隆城靜邊砦
皆不能扼其來故賊不患其不能入也旣入
漢地分行鈔畧驅虜人畜劫掠財貨士馬疲
困奔趨歸路無復聞志若以精兵扼險强弩
注射旁設奇伏斷其首尾且追且擊不敗何
待故賊之患在不能出也賊屢乘戰勝重掠
而歸諸將不能追擊者由兵寡而勢分也若
尙循故轍必無可勝之理又論延州鎮戎軍
渭州山外三敗之由皆爲賊先據勝地誘致
我師將帥不能據險擊歸而多倍道趨利兵
方疲頓乃與生羌合戰賊始從鐵騎衝我軍
繼以步卒挽疆注射鋒不可當遂致掩覆此
乃主帥不思應變以懲前失之咎也願敕邊
吏常遠斥候遇賊至度遠近立營砦然後量
敵奮擊毋得輕出詔以其言戒邊延時韓琦
坐好水川兵敗徙秦州范仲淹亦以擅復元

吳書降耀州堯臣言二人者皆忠義署勇不當置之散地又薦种世衡狄青有將帥才明年賊果自鎮戎軍原州入寇敗葛懷敏乘勝掠平涼潘原關中震恐自邠涇以東皆閉壘自守仲淹自將慶州兵捍賊賊引去仁宗思其言乃復以琦仲淹爲招討使置府涇州益屯兵三萬人而使堯臣再安撫涇原初曹瑋開山外地置籠竿等四砦募弓箭手給田使耕戰自守其後將帥失撫御稍侵奪之衆怨怒遂劫德勝砦將姚貴閉城畔堯臣適過境上作書射城中諭以禍福衆出降乃爲申明約束如舊而去旣還上言自陝西用兵夏竦陳執中並以兩府舊臣爲陝西經畧安撫招討使韓琦范仲淹止爲副使旣而張存知延州王沿知渭州張奎知慶州俱是學士待制之職亦止管勾本路總管司事及竦執中罷四路置帥遂各帶都總管及經畧安撫招討等使因而武臣副總管亦爲副使今琦仲淹

龐籍既爲陝西四路都總管緣邊經畧安撫
招討等使四路當稟節制而尙帶經畧名者
有九人各置司行事名號不異而所稟非一
今請逐路都總管副總管並罷經畧只充沿
邊安撫使既而滕宗諒亦以爲請遂罷之又
言鄜延環慶路皆險固易守惟涇原自漢唐
來爲衝要之地自鎮戎軍至渭州沿涇州直
抵涇陽畧無險阻雖有城砦據平地賊徑交
屬難以捍防如郭子儀渾瑊常宿重兵守之
自元昊叛命數年由此三入寇朝廷置帥府
於涇州爲控扼關陝之會誠合事機然頻經
覆敗邊地空虛士氣不振願深監近弊精擇
將佐其新集之兵未經訓練宜易以舊人儻
一路兵力完實則賊不敢長驅入寇矣因論
沿邊城砦控扼要害賊徑道屬及脩禦輕重
之策爲五事上之又請涇原五州營田益置
弓箭手及請撤潼關樓櫓皆報可以戶部郎
中擢三司使辟張顯之杜杞十餘人爲副使

判官時入內都知張永和建議請收民餽舍
錢十之三以助軍費堯臣入對曰此衰世之
事召怨而携民唐德宗所以致朱泚之亂也
度支副使林濰畏永和附會其說堯臣奏出
濰議乃定夔州轉運使請增監井歲課十餘
萬緡堯臣以爲上恩未嘗及遠人而反牟取
厚利適足以歛怨罷之遷翰林學士承旨兼
端明殿學士爲群牧使丁母喪服除轉右諫
議大夫初學士蘓易簡丁喪皆郎中進中書
舍人充承旨及堯臣爲承旨不遷官意宰相
賈昌朝所抑及是文彥博爲相因其歲滿遂
優遷之大享明堂加給事中與三司更議茶
法較天下每歲財賦出入上其數遂拜樞密
副使會儂智高反請析廣西宜邕州爲三路
以融柳象隸宜州白高竇雷化鬱林儀藤梧
龔瓊隸容州欽賓廉橫潘貴隸邕州遇蠻人
寇三路會支郡兵掩擊令經畧安撫使守貴
州以統制焉益募澄海忠敢士軍分屯運全

永道三州米以餉之罷遣北兵遠戍時狄青經制嶺南詔青審議以爲便居樞密三年務裁抑僥倖於是戶部侍郎叅知政事久之帝不以爲疑也以戶部侍郎叅知政事久之帝欲以爲樞密使而當制學士胡宿固抑之乃進吏部侍郎卒贈尚書左僕射謚文安堯臣以文學進典內外制十餘年其爲文詞溫麗執政時嘗與宰相文彥博富弼劉沔勸帝早立嗣且言英宗嘗養宮中宜爲後爲詔草挾以進未果立元豐三年子同老進遺稿論父功帝以訪文彥博具本未遂加贈太師中書令改謚文忠見宋史本傳

趙

槩

字叔平南京虞城人少篤學自力器識宏遠爲一時名輩稱許中進士第通判

海州爲集賢校理開封府推官奏事殿中仁宗面賜獎諭出知洪州城西南薄漳江有汎溢之虞槩作石堤二百丈高五丈以障其衝水不爲患猾吏鄭陶饒奭挾持郡事爲不

法前守莫能制州之歸化卒皆故時盜賊
造飛語曰卒得廩米陳惡有怨言不更給善
米且有變斲不答卒有容州戍逃歸而犯
夜者斬之以徇因收陶奭抵罪闔府股栗加
直集賢院知青州坐失舉澠池令張誥免久
乃起監密州酒稅知滁州山東有寇李二過
境上告人曰我東人也公嘗爲青州民愛之
如父母我不忍犯率衆去召脩起居汪歐陽
脩至朝廷欲驟用之難於越次斲聞請郡除
天章閣待制糾察在京刑獄脩遂知制誥踰
歲斲始代之郊祀當任子進階爵乞回其恩
封母郡太君宰相謂曰君卽爲學士擬封不
久矣斲曰母年八十二願及今拜君賜以爲
榮乃許之後遂爲例蘇舜欽等以羣飲逐斲
言預會者皆館閣名士舉而棄之缺士大夫
望非國之福也不報求知蘓州終母喪入爲
翰林學士聘契丹契丹主會臘請賦信誓如
山河詩成親酌玉杯爲斲勸且授近臣劉六

符素扇寫之納袖中其禮重如此還兼侍讀
學士諫官郭申錫論事忤旨帝欲加罪槩曰
陛下始面諭申錫毋面從今黜之何以示天
下乃止以龍圖閣學士知鄆州應天府代韓
絳爲御史中丞絳以論張茂實不宜典宿衛
罷槩至首言之茂實竟去御藥院內臣有寄
貲至團練使者謂之暗轉槩請明限以年詔
俟出院優遷之毋得累寄擢樞密使叅知政
事數以老求去熙寧初拜觀文殿學士知徐
州自左丞轉吏部尙書前此執政遷官未有
也以太子少師致仕居十五年嘗集古今
諫爭事爲諫林百二十卷上之神宗賜詔曰
請老而去者類以聲問不至朝廷爲高惟卿
有志愛君雖退處山林未嘗一日忘也當置
於座右時用省閱元豐六年薨年八十八贈
太子太師謚曰康靖槩秉心和平與人無怨
怒雖在事如不言然陰以利物者不少議者
以比劉寬婁師德坐張誥貶六年念之終不